

四庫全書

集部

欽定四庫全書

集部

宋詩紀事卷五

詳校官給事中_臣鄧文泮

侍讀_臣孫球覆勘

總校官進士_臣繆琪

校對官中書_臣朱圻

謄錄監生_臣陳昌敬

欽定四庫全書

宋詩紀事卷五

錢塘厲鶚撰

陳從易

從易字簡夫晉江人端拱二年進士歷祕書省
著作郎直史館知廣州仁宗朝擢知制誥除龍
圖閣直學士知杭州有泉山集

小孤山

山稱孤獨字厖璩女郎形過客雖知誤行人但乞靈

春明

退朝錄

句

千重浪裏平安過百尺竿頭穩下來

王文穆罷相
寬夫詩史

蔡

梅詢

詢字昌言宣城人端拱二年進士累擢翰林侍
讀學士歷給事中知審官院出知許州有許昌
集

寄呂許公

十五年前忝一麾公餘嘗得預言詩玉階闕步為霖早
雲路風波得志遲浴鳳池深春蕩蕩觀魚臺古草離離
重來故老休相問請揭紗籠有舊碑

侯鯖錄梅詢侍讀嘗從真宗東封因卜命于岳
神夢三牛闕于庭有稱相公通謁者雖異之而
不曉其兆既而得濠梁州廡有三石牛後呂許
公夷簡以殿中丞來倅詢見之疑若所夢謁者
于是委遇至厚不數年許公大拜梅為發運使
按部至濠上作詩寄之

送楊可及第還鄉

君恩兼喜拜維桑路入家山道更光春色殿前初脫白

秋風隴上見焚黃偏留名紙呼前輩喜著藍袍到故鄉
科第孝思俱已遂卻經劍棧莫淒涼

合璧事類別集

武林山十詠

水臺盤

在下天竺

鶴髮山中人疏泉鑿幽石如憑青玉案分遞白雲液冷
泠澗雕俎瑟瑟穿吟席醉坐三伏中煩襟自消釋

翻經臺

靈運曾此臺冥心住幽寂重譯葉上書深藏林中跡遺

文傳竹素野蔓侵苔碧登覽殊未休蒼山日將夕

靈隱寺

千峯凌紫烟中有梵宮闕靈眇極幽棲塵心自超越松
黃發春靄桂實墜秋月爭得謝世人茲焉老華髮

北高峯埵

高埵列遠岑亭亭幾百載鈴聲荅夜風輪影落滄海閒
雲伴危級斜日平烟彩欲下生暮愁千山閉輕靄

蓮花峯

巨石如芙蕖天然匪雕飾盤礴峯頂邊嬋娟秋江側涉
川試誰採作礪當自惜坐與榮辱同正心未嘗易

龍泓洞

矯矯淵下龍潛神在靈府雲卧雖有時泥沙可長處陰
崖寒氣腥峭壁灼痕古何當救旱暵奮起為霖雨

冷泉亭

古竇鳴幽泉蒼崖結靈宇六月期客遊披襟苦徂暑開
窗弄清淺吹鬢疑風雨不見白使君烟蘿為誰語

呼猿洞

古澗飛白猿寂歷不知處風激石上泉僧疑月中樹微
茫認松雪髣髴橫樵路空望增爾思蒼蒼奈烟霧

煉丹井

仙翁道未泯棲神在巖石酌彼山下泉窮年煉金液洞
陰春始綠苔甃秋涵碧緬慕不可期凭闌望鳬鳥

飛來峯

竺慧指此峯飛來自靈鷲猿鳥曾未知烟嵐尚依舊興

亡漫千古天地豈關紐祇恐舟壑移他年卻西走

以上咸淳

臨安志

吳興道中

野闊多桑柘湖平溉沃田採蓮花樣女載酒葉兒船黃
犢青山下垂楊古道邊行行頗北望戀闕意懸懸

送夏子喬招討西夏

丹墀曾獨繹絲綸御札親題第一人驚喜上遷張筆力
馬諳西討仗威靈亞夫金鼓從天降韓信旌旗背水陳

耆致爾功還奏闕圖形仍許上麒麟

以上許昌梅公年譜附

句

千重漢圍合一夜楚歌聲

陰陵

楊文公護苑

吳簡言

簡言字若訥長汀人端拱二年進士累官祠部

郎中

題巫山神女廟

惆悵巫娥事不平當時一夢是虛成只因宋玉閒屑吻

流盡巴江洗不清

汀州府志是夕夢神女來見曰君詩雅正當以順風相謝明日解纜果然

古成之

成之字亞真惠州河源人五季末避地家增城中端拱二年進士召試除祕書省校書郎張詠帥蜀辟知綿竹縣卒于官

廣東通志宋初干戈甫息嶺嶠文風未振每取士合一路以一人薦衆推成之雍熙改元充秋賦督府勸駕詩云寰中有道逢千載嶺外觀光只一人蓋紀實也

憶羅浮

憶昔羅浮最上峯當年曾得寄仙蹤
凭闌月色出滄海敲枕秋聲入古松
採藥靜尋幽澗洗寄書閒仗白雲封
紅塵一下拘名利不聽山間午夜鐘

惠州府志

楊正倫

正倫舉進士與陳堯佐同時

華清宮

休罪明皇與貴妃大都衰盛兩隨時
惟餘一派溫泉水

不逐人心冷暖移

皇朝類苑

孫何

何字漢公汝陽人父鏞知荊門軍遂家焉登淳
化三年進士第一歷官兩浙轉運使加起居舍
人景德初判太常禮院知制誥賜金紫掌三班
院卒有集

涑水紀聞孫何丁謂舉進士第未有時名王禹
偁見其文大賞之贈詩云三百年來文不振直
從韓柳到孫丁如今便好令修史二子文章似
六經二人由此時名大振

歷代吟譜孫何嘗作兩晉名賢贊并詩三十篇
王禹偁延譽之曰丁謂與孫何便可白衣修撰

汎吳江

晚灘如雪起沙鷗咫尺姑蘇亦勝遊
逸勢瀉歸滄海遠冷聲分作太湖秋
葑田幾處連僧寺橘岸誰家對驛樓
魯望不存無可語片帆中夜渡清流

吳江縣志

桐栢觀

玉壇三級接秋空此是仙家第幾重
羽客有時來駕鶴王人無歲不投龍
微吟海月生崑桂長嘯天風起澗松

司馬先生何處去篆碑猶有白雲封

天台山志

句

欲謁元戎無介紹薛能詩版在鵬堂

補續高僧傳太平興國末年曹彬出鎮節制閉閣謝客孫何自京師來久不得見以詩自誚云

誰如張璪工松石擬裂蛟綃畫作圖

詠吳興宣和畫譜

趙湘

湘字叔靈衢州西安人淳化三年進士清獻公

之祖

春夕偶作

一夕衡門獨自開，雨陰深巷少塵埃。
酒醒風傍池邊起，坐久月從花上來。
何處夜歌初欲斷，四鄰春夢未知回。
因思此興無人共，時復孤吟步綠苔。

宋文鑑

方廣寺石橋

白石峯猶在橫橋，一徑微多年無客過。
落日有雲歸水淨，苔生髮山寒樹著衣。
如何方廣寺，千古去人稀。

方輿勝覽

剡中齊唐郎中所居

古柳垂溪水當門繫雪舟開樽延白鳥掃樹帶清秋
閣上看華頂窗中見沃洲尋常投刺少來即是詩流

剡錄

贈水墨巖上人

講餘題小筆深院竹修修試墨應磨歲思山忽寫秋靜
曾窮鶴趣高亦近詩流更擬緣清思和雲狀沃洲

贈張處士

應問秋雲學得閒飄然如不在人間青籐篋裏詩多怪
紫栗枝邊藥更癡江客對棋曾賭鶴野僧分屐借登山

仍聞昨日來城市又抱孤琴踏月還

以上瀛奎律髓

秋夜集李式西齋

澤國秋光淡詩家夜會清雨餘逢月色風靜得琴聲小

徑幽蟲絕寒階落葉并嘗茶不擬睡自起遶池行

文翰類選

別邪溪諸叔

又散邪溪會斜陽在古原出門逢落葉去路有啼猿短

髮不堪照新詩誰與論如何為遠別風雪宿孤村

雲門集

遊爛柯山

仙人與王質相會偶多時落日千年事空山一局碁樹
高明月在風動白雲移未得酬身計閒來學採芝

爛柯山
洞志

張士遜

士遜字順之號退傅陰城人淳化三年舉進士
真宗朝拜禮部尚書同中書門下平章事仁宗

朝拜太傅封鄧國公薨贈太師中書令諡文懿

青箱雜記張退傅士遜趙少保叔平概張樞相
昇皆壽八十六陳丞相堯佐壽八十二杜丞相
行壽八十一富丞相弼壽八十文惠致政寄退
傅詩曰青雲岐路遊將徧白髮光陰得最多

晚春遊金明抵暮入宜秋門闌兵捧門牌請官位因
書一闕

閒遊靈沼送春回關吏何須苦見猜八十衰翁無品秩
昔曾三到鳳池來

湘山野錄

題西菴寺

宰邵武作

西菴深入西山裏算得當年少客遊密密石叢盤小徑
涓涓雲竇瀉寒流松皆有節誰青蓋僧盡無心也白頭
欲刷粉牌書姓字調卑官冗不堪留

遊寶蓋巖

身為冠冕留心是雲泉客每到雲泉中便擬忘歸跡況
茲寶蓋巖天造清涼宅稅車官道邊誰知願言適

公牒至建寧縣道洛陽村而山路險峭穹絕不可
名狀題二韻於村寺

金谷花時醉幾場舊遊無日不思量誰知萬水千山裏
枉被人言過洛陽

以上青箱雜記

寄陳希元

赭案當年並命時，薰葭哀佩倚瓊枝。
皇恩乞與桑榆老，

鴻自高冥鳳在池。

倦遊雜錄

知邵武縣禱雨有應任滿作詩紀事

乞靈曾熟一爐烟，言下滴沱救旱田。
今日解龜留數字，

要教來者更恭虔。

詩律武庫

遊峽山飛來寺

峽寺一停橈，新秋暑乍消。
幽懷徒易釋，肥遯固難招。
翠擬千峯活，紅分數葉凋。
優遊虛歲月，何以報清朝。

昌峽山志

錢昆

昆字裕之吳越廢王侗之子歸宋中淳化三年
進士仕至祕書監有集

十國春秋昆性嗜蟹常求補外職曰但得有蟹
無通判處足慰素願也

題淮陰侯廟

築臺拜日恩雖厚躡足封時慮已深隆準早知同鳥喙

將軍應起五湖心

青箱雜記

遊鐵岸

晴紅烟綠襯虛亭公退因來得野情
落日東風嬾歸去擬將薄祿換溪聲

中州題詠集

呂言

言晉江人淳化三年進士官侍御史廣東轉運使

寄九日山僧

目極閩南道雲山隔幾層
深秋城外寺白日定中僧
野蔓穿松甲幽泉漱石棱
遙思茶話夕敲破玉池冰

清源文獻

謝濤

濤字濟之其先陽夏人父從禮為鹽官令卒于
官兩世葬富陽因家焉登淳化三年進士歷官
太子賓客

夢中作讀史一絕

百年奇特幾張紙千古英雄一窖塵惟有炳然周孔教

至今仁義洽生民

中吳紀聞

高紳

紳廣州鈐轄使

遊峽山飛來寺

古寺清江上維舟夕照前山根盤到海塔影直侵天蘿
月空禪石霜鐘落客船秋風嬾回首送目入雲烟

禹峽山志

郭震

震字希聲成都人有漁舟集

淳化四年作

朝出東門遊東門好春色青青原上草莫放征馬食

文獻通考震于淳化四年忽作此詩詣闕上書
言蜀利病未幾李順之亂作矣

紙窗

偏宜酥壁稱閒情白似溪雲薄似冰不是野人嫌月色

免教風弄讀書燈

青瑣後集

宿漁家

幾代生涯傷海涯兩三間屋蓋蘆花燈前笑說歸來夜
明月隨船送到家

漁者

江柳弄風顰翠黛山光著雨濕胭脂卻收短樵拈長笛
一葉舟中仰面吹

雲

聚散虛空去復還野人閒處倚筇看不知身是無根物
蔽月遮星作萬端

以上宋文鑑

題龍華山

在廣都縣有段文昌別業

昔年曾到此山迴百鳥聲中酒一杯最好寺邊開眼處

段文昌有讀書臺

唐詩紀事

路振

振字子發永州祁陽人唐相巖四世孫淳化中
舉進士歷官左司諫知制誥克同修起居注有
集

贈安邑簿伍彬歸隱

老終秋鬢白歸隱舊峯前庭樹鳥頻啄山房人尚眠寒
巖落桂子野水過茶烟已結勞生念虔心向竺乾

雅言
系述

伐棘篇

伐棘何所山之巔秋風颭颭棘子丹折根破柢堅且頑
斲夫超超汗污顏攢鋒束芒趨道還藉之森森繚長藩
暮冬號風雪暗天漏寒不鳴守犬眠主人堂上多金錢
東陵暴客來窺垣舉手觸鋒身隕顛千矛萬戟爭後先
襟袖結裂不可揜蹠破指傷流血殷神離氣沮走蹢躅
數尺之牆弗復攀索頭小醜騷河塢朔方屯師連七年
木波馬領沙填填氣脈不絕如喉咽官軍虎怒思吼軒
强弩一發山河穿將不叶謀空即安翫養蟻寇成兇顛

推芻挽粟徒喧喧邊臣無心靖國艱為余諷此伐棘篇

宋文鑑

題惠泉師壁

漢公嘗說惠泉師解講楞嚴解賦詩今日我來師已去
草堂風雨立多時

補續高僧傳孫何遊南臺聞惠泉高槩叩其門
一見如舊識饋勞如厚後二年何為進士舉首
同年路振官彭門何感稱泉好義甚篤振下車
詣焉師已去浙矣振歎慕留詩壁間

句

鶚案皇朝類苑作陳堯佐

君恩來萬里客路出千山

潮州微還

吟窗雜錄

危拱辰

拱辰字輝卿南城人淳化進士官至光祿卿

題初月

十五歲作

未審初三夜嫦娥怨阿誰懶開十分鏡祇畫一邊眉

江西

詩話

王 岳

岳淳化中隱居蜀川有集

陳氏書錄解題洪邁編唐人絕句萬首可謂博矣而多有本朝詩在其中如李九齡郭震滕白王初王岳之屬是也

回舊山

庾家樓上謝家池處處風烟少舊知
明日落花誰共醉
野猿溪鳥恨歸遲

貧女

難把菱花照素顏
試臨春水採花看
木蘭船上遊春子
笑指荊釵下遠灘

以上萬首唐人絕句

殘冬客次資陽江

淡雲殘雪簇江天，策蹇遲回客興闌。
持盃老僧來咒水，倚船商女待搬灘。
沙翹白鷺非真靜，竹映繁梅奈苦寒。
阮籍莫嗟岐路異，舊山溪畔有漁竿。

全蜀藝文志

田霖

霖淳化間人

燕口洞

燕口龍泓氣象清，錢真此處有遺靈。
仙兄去後師猶在。

女弟回時洞已扃雲片尚如披素練泉聲長似誦黃庭
碧桃花發菖蒲紫留與人間作畫屏

詩話總龜女真錢氏二姊妹依陶隱居誦黃庭
經即茅山燕洞也至今有紫菖蒲碧桃焉其姊
披白練未得道入洞及女弟至則戶已扃矣淳
化五年田霖作詩題之

賈黃中

黃中字媯民南皮人六歲舉童子科十五舉進
士太宗召試中書知制誥充翰林學士淳化二
年參知政事至道初拜禮部侍郎兼祕書監卒

贈禮部尚書有集

宋史本傳黃中幼聰慧方五歲父玘每旦令正立展書卷比之謂之等身書課其誦讀

孔平仲談苑太宗時宋白賈黃中李至呂蒙正蘇易簡五人同拜翰林學士承旨扈蒙贈詩云五鳳齊飛入翰林其後皆為名臣

伏覩禁林盛事謹賦一章

璇題飛白御毫新三體瓊章妙入神特賜禁林為盛事
只緣明主重名臣青編輝映輕前古丹地深嚴隔世塵
金籙禎祥非是寶玉堂名號此方貞

玉堂之名從來未著格令今聖君親

書玉堂之署四字為千古恩榮誰比烟霄客文彩長
不朽之事自此名始貞矣

懸日月輪為報黿宮主人道蓬萊全勝昔時春

黃中以近離署

故不覺有此健美之句

翰苑羣書

桂林還珠洞

赫赫威聲震百蠻
骨攜筐筥涸谿山
無人為起文淵問

端的珠還薏苡還

顧氏積書巖選

王欽若

欽若字定國
臨江軍新喻人
進士甲科
召試知

制誥歷官翰林學士拜樞密使檢校太傅同中書門下平章事進司徒封冀國公卒贈太師中

書令諡文穆

西清詩話王文穆欽若未第時寒窘依幕府家時章聖以壽王尹開封府一日晚過其舍左右不虞王至亟取紙屏障風王顧屏間一聯云龍帶晚烟離洞府雁拖秋色入衡陽大加賞愛曰此語落落有貴氣何人詩也對曰某門客王欽若上遽召之一見欽若如夙素其後信任頗專致位上相風雲之會實基於此焉

送天柱馮先生

鬱蕭空殿倚雲霓玉氣珠輝冠紫微暫到帝城朝斗會
卻思巖實負琴歸日奔內景乾坤靜泉漱清音杞菊肥
卻到水鄉深遂住晴巖掩映簇春暉

洞霄詩集

句

九重天闕夢掉臂黃雞白酒鄰舍恩

詩律武庫晉陶侃少時家貧有友人見訪無以
致誠其鄰人頗賢謂侃曰子門有長者軒車何
不延之以論當世事侃曰貧不能備酒醴鄰人
密於牆頭度以濁酒隻雞遂成終日之樂本朝
王冀公欽若過其廟題詩云云用此事也

胡旦

旦字周父濱州渤海人舉進士第一真宗朝歷
祠部郎中祕書監有集

句

明年春色裏領取一行歸

通水燕談胡旦少有俊才尚氣凌物隨計之秋
郡守坐中聞雁賦詩云云明年果魁天下終以
忤物不登顯位

滕白

白太宗時為工部郎中世稱滕工部有集

題汶川村居

種茶巖接紅霞塢灌稻泉生白石根
蟠腹老翁眉似雪

海棠花下戲兒孫

合璧事類前集

觀稻

稻穗登場穀滿車家家雞犬更桑麻
漫栽木槿成籬落
已得清陰又得花

週遭圩岸繚山城一眼圩田翠不分
行到秋苗初熟處

翠茸錦上織黃雲

全芳備祖

錢昭度

昭度字九齡吳越忠懿王倣從弟偓之子仕至
西頭供奉官有詩集

楊文公談苑錢氏諸子封守惟濟供奉昭度並
有佳句

贈白校書

袖裏青鋒秋水寒誰疑雙燕是金丸出門風雨知何去
空有霜髭在玉盤

洞微志郭平振武舊將分配錢唐給官屋居之
屋在修文坊舊為白校書尤賁燒丹藥未欲往
而官吏丁疎因逐之乃破爐而去白因召丁疎
同飲謂疎曰大藥為吾子所破有小戲術醒酒
乃取盤一面置于膝上以指敲腕出五色彈子
兩枚化為雙燕而飛白曰僕射髭甚繁可減些
言未畢二燕化為二小翎長五寸餘鋒刃如雨
交舞于疎之頤領間髭落如雪疎懼甚白呼劍
下盤中依前成二丸納于左右腕而去錢昭度
贈白詩云云

懷具區

平生愛具區島嶼交陂湖竹雨籠鷗鵲花烟涇鷓鴣
仙疑有宅魚鼈自為都何事勞長想機雲本是吳

吳郡志

春陰

語燕初飛隴麥青春雲將雨滯行人雲間若有金烏賣

應被豪家占得春

後村千家詩

野墅夏晚

一抹生紅畫杏腮半園沈綠鎖桐材黃蜂衙退海潮上
白蟻戰酣山雨來睡思幾家金帶枕酒香何處玉交杯
太陽西落波東去惆悵無人喚得回

羸奎律髓

句

西北高樓在東南王氣銷

金陵

東北風吹大庾嶺西南日

映小寒天

梅花

人間路到三峯盡天下秋隨一葉來

秋日華山

以上皇朝類苑

長憶錢塘江上望酒樓人散雨千絲

青箱雜記

船中聞雁洞庭夜牀下有蜚長信秋

蔡寬夫詩史

礪溪重得

呂維嶽再生申

呂申公生日

許彥周詩話

范唐公

唐公文正公仲淹之祖贈祕書監

贈華山陳希夷

缺首二句

曾逢毛女話何事應見巨靈開此山濃睡過春花滿地靜
林中夜月當闕紛紛詔下忽東去忍使蒲輪倦往還

過庭錄

王 著

著字知微成都人太宗朝官翰林侍書行殿中

侍御史

曰增按書史會要云別有翰林學士王著自是一人

禁林讌會之什

文明天子重詞臣聖製褒揚日月新宸翰特頒仙署額
皇風先發玉堂春蚪龍逸勢誠難伏鸞鶴迴翔信得真

齊武任誇非入妙漢章雖巧未通神匪唯銜耀鰲宮客
兼是輝華鳳閣人幸接英儒同讚詠輒書狂斐繼清塵

翰苑羣書

曾璉

鴻溝和呂聖功韻

王霸興亡幾劫塵鴻溝依舊鎖寒雲不將帝業追三代
祇把河山割半分故壘已隨流水盡歸鴉空帶夕陽曛
西風立馬頻回首那忍猿聲隔岸聞

榮澤縣志

呂文仲

文仲官翰林侍讀右正言

禁林讌會之什

青蔥溫樹非塵境
黿岫金鑾近日邊
石壁天章垂雨露
璇題宸翰動雲煙
西垣買馬徵辭客
東觀蓬瀛集列仙
讌喜馳顏飛玉笋
鏗鏘奮藻擘花牋
唐虞盛化高千古
葵藿傾心祝萬年
自顧薄才誠有媿
不知何以奉羣賢

翰苑羣書

呂祐之

祐之太宗朝官起居舍人知制誥

禁林讌會之什

高會蓬瀛振德音崇賢同慶湛恩深瑞融雲露飛宸翰
榮下煙霄飾禁林鳳藻瓌奇清擊石龍文模琢麗雕金
辭臣喜適逢時願睿眷殊敦好士心華照北門張組繡
祕逾東序敵球琳玉堂宴罷尤知幸御牘天章豈易尋

翰苑羣書

楊允元

允元官光祿寺丞直集賢院

寄館中諸公

錫按澠水燕談作楊億詩

聞說宮花滿鬢紅上林絲管侍重瞳蓬萊咫尺無由到
始信仙凡迥不同

古今詩話楊允元為光祿寺丞三月後范曲宴
未得貼職不得與以詩寄館中諸公太宗聞之
即日直集賢院與晚宴

潘閔

閻字道遙大名人嘗居錢塘太宗召對賜進士
第王繼恩與之善繼恩下獄捕閻弗得咸平初
來京尹收繫之真宗釋其罪以為滁州參軍後
卒于泗上小說中謂閻坐盧多遜黨追捕非也
有詩集

皇朝類苑好事者以閻遨遊浙江詠湖著名以
輕綃寫其形容謂之潘閻詠潮圖宋尚書贈詩
曰宋朝歸聖主潘閻是詩人王元之亦贈詩曰
江城賣藥常將鶴古寺看碑不下驢其為名公
所激賞如此

歲暮自桐廬歸錢塘

久客見華髮孤檣桐廬歸新月無朗照落日有餘暉
漁浦風水急龍山烟火微時聞沙上雁一一皆南飛

中山詩話潘閬詩有唐人風格僕謂此詩不減
劉長卿

過華山

高愛三峯插太虛昂頭吟望倒騎驢
旁人大笑從他笑終擬移家向此居

圖畫見聞錄長安許道寧嘗畫潘閬倒騎驢圖

題資福院石井

炎炎畏日樹將焚，卻恨都無一點雲。
強跨蹇驢來到得，皆疑渴殺老參軍。

能改齋漫錄：閩移太平州參軍過信州鉛山縣，作蘇黃門跋云：此詩頗有風味，不在石曼卿蘇子美下。

曹娥廟

曹娥廟前秋草平，曹娥廟裏秋月明。
扁舟一夜炯無寐，

近聽潮聲似哭聲。
會稽志

曉泊嶧浦寄剡縣劉貺員外

曉汎剡溪水晚見剡溪山徘徊駐行櫂待月思再還漁
唱深潭上鳥棲高樹間應當金石交念我無暫閒

剡錄

九華山

將齊華嶽猶多六若並巫山又欠三好是雨餘江上望
白雲堆裏發濃藍

方輿勝覽

贈林處士

雲翦烏紗霜翦衣存神養氣語還稀人人盡喚孫思邈

只恐身輕白鳥飛

宿靈隱寺

繞寺千千萬萬峯
滿天風雪打杉松
地爐火煖黃昏睡

更有何人似我慵

以上咸淳臨安志

秋日題瑯邪山寺

巖下多幽景
且無塵事喧
鐘聲晴徹郭
山色曉當門
深洞藏泉脈
懸崖露樹根
更期來此宿
絕頂聽寒猿

渭上秋夕閒望

秋色滿秦川登臨渭水邊殘陽初過雨何地不鳴蟬極
浦涵明月孤帆沒遠烟漁人空老盡誰似太公賢

夏日宿西禪院

此地絕炎蒸深疑到不能夜涼知有雨院靜若無僧枕
潤連雲石窗明照佛燈浮生多賤骨時日恐難勝

以上瀛
奎律髓

望湖樓

望湖樓上立竟日嬾思還聽水分他界看雲過別山孤
舟依岸靜獨鳥向人間回首重門閉蛙聲夕照閒

西湖遊
覽志

句

清宵無好夢白日有閒愁
髮任莖莖白詩須字字清

長喜詩無病不憂家更貧
何須三斗絕已恨一聲

多峽中聞猿生前是客曾投卷
死後何人與撰碑哭高舍人莫嗟

黑髮從頭白終見黃河到底清
寄張永上厯代吟譜土牀安睡

穩紙被轉身鳴客舍作後村詩話
窺魚白鳥明殘照抱石幽

雲點半山南昌秋屏閣方輿勝覽

湯悅

悅本殷文圭子陳州西華人仕南唐為司空知
左右史事入宋避宣祖廟諱改姓湯太宗錄之
館中裨修太平御覽等書

鼎臣學士侍郎以東觀庭梅昔翰苑之豪末今復
半枯向時同僚零落都盡素髮垂領茲唯二人感
舊傷懷發於吟詠惠然好我不能無言輒次來韻
攀和

憶見萌芽日還憐合抱時舊歡如夢想物態暗遷移素

豔今無幾朱顏亦自衰樹將人共老何暇更悲絲

唐音戊
藏

李度

度河南洛陽人官虞部員外郎

句

醉輕浮世事老重故鄉人

宋史文苑傳度周顯德中舉進士工于詩有句
云云時翰林學士申文炳知貢舉王朴錄其句
薦之即推第三累官知歙州生事左遷度嘗以
詩刻石石本傳入禁中太宗見之謂宰相曰度
今安在即召對便殿推為虞部員外郎直史館
賜緋

郭忠恕

忠恕字恕先洛陽人七歲能文舉童子及第周
廣順中為宗正丞兼國子書學博士宋太宗即
位授國子主簿

宣和畫譜忠恕作篆隸凌轢晉魏喜畫樓觀臺
榭皆高古謫官江都逾旬失其所在後閱數歲
與陳搏會于華山而後不復聞蓋亦仙去矣

句

為逢末劫歸依佛不就新恩叙理官

因學紀聞建隆初詔五代時命官投狀叙理復命之郭恕先詩云云飛龍在天利見大人而猶不屈其志如此

陳搏

搏字圖南自號扶搖子亳州真源人後唐長興中舉進士不第隱居華山雲臺觀年近百歲周世宗召至闕下賜號白雲先生宋太宗再召見待以賓禮賜號希夷先生放還山化形于張超谷有高陽集釣潭集

歸隱

十年蹤跡走紅塵回首青山入夢頻
紫陌縱榮爭及睡朱門雖富不如貧
愁聞劔戟扶危主悶聽笙歌聒醉人
攜取琴書歸舊隱野花啼鳥一般春

邵伯溫學易辨惑云搏隱居華陰山自晉以後
每聞一朝革命輒感數日人有問者睜目不答
一日乘驢遊華陰市聞太祖登極大笑問其故
曰天下自此定矣遁迹之初作此詩云云豈淺
丈夫哉

詠毛女

曾折松枝為寶櫛又編栗葉作羅襦有時問著秦宮事
笑撚仙花望太虛

翰府名談

辭上歸進詩

草澤吾皇詔圖南搏姓陳三峯千載客四海一閒人世
態從來薄詩情自得真乞全麋鹿性何處不稱臣

澠水燕談太平興國初召赴闕賜號希夷久之
辭歸作

石刻詩

并序

因攀奉縣尹尚書水南小酌回捨轡特叩松局謁高

公茶話移時偶書二十八字道門弟子圖南上

我謂浮榮真是幻醉來捨轡謁高公因聆玄論冥冥理
轉覺塵寰一夢中

老學菴筆記邛州天慶觀石刻希夷詩云云末
書太歲丁酉蓋蜀孟昶時當石晉天福中也文
興可跋云高公者此觀都威儀何昌一也希夷
從之學鎖鼻術

贈張乖崖

自吳入蜀是尋常歌舞筵中救火忙
乞得金陵養閒散
也須多謝鬢邊瘡

古今詩話張忠定公少謁華山陳圖南圖南贈
詩一絕始皆不喻其意後忠定更鎮杭益晚年
發瘡于鬢移守金陵遂斃悉如其言

西峯

為愛西峯好吟頭盡日昂巖花紅作陣溪水綠成行幾

夜礙新月半山無夕陽寄言嘉遯客此處是仙鄉

詩人
玉屑

題石水澗

銀河灑落翠光冷一派迴環淡晚暉幾恨卻為頑石礙

琉璃滑處玉花飛

宋藝圃集

楊朴

朴字契元鄭州人少與畢士安同學士安薦之

太宗以布衣召見賦莎衣詩辭官而歸有東里集

蒙齋筆談朴性癖嘗騎驢往來鄭國每欲作詩即伏草間冥搜得句則躍而出遇之者皆薦

村居感興

一壺村酒膠牙酸十數胡鉞徹骨乾
隨著四婆羣子後

杖頭挑去賽蠶官

劉後村跋楊通老移居圖一帽而跣者荷樂瓢書卷先行一髻而牧者負布囊驅三羊繼之一

女子蓬首扶琴一童子肩猫一童子背一小兒
一奴荷薦席筠籃帛槌之屬又繼之處士帽帶
執卷騎驢一奴負琴又繼之細君抱一兒騎牛
別一兒坐母前持筆曳繩殿其後處士攢眉凝
思若覓句然雖妻子奴婢生生服用之具極天
下之酸寒藍縷然猶畜二琴手不釋卷其迂闊
野逸之態每一展玩使人意消舊題云楊通老
移居國本朝處士魏野有亭榭林逋無妻子惟
楊朴最貧而有累恐是畫朴但朴字契元不字
通老明日翻故紙得朴集洛人臧逋為序有朴
絕句云云放翁跋云四婆即處士之配蘇轍季
真家有處士夫妻像野逸如生凡集所載與卷
內物色皆合騎牛者四婆作詩送朴赴召者也

七夕

未曾牽牛意若何須邀織女弄金梭年年乞與人間巧
不道人間巧已多

後村千家詩

莎衣

軟綠柔藍著勝衣倚船吟釣正相宜
蕪葭影裏和烟卧
菡萏香中帶雨披
狂脫酒家春醉後
亂堆漁舍晚晴時
直饒紫綬金章貴
未肯輕輕博換伊

瀛奎律髓此詩對御所賦天下傳誦

絕句

昨夜西風爛漫秋今朝東岸獨垂鉤紫袍不識莎衣客
曾對君王十二旒

桐江詩話楊朴契元一日秋晴釣于道旁溪中
直漕臺陳文惠出從者呵之契元竟不顧文惠
怒攝至郵亭中詰之契元丐紙筆供狀乃作絕
句云云文惠謝遣之

句

就客飲時擔酒去見魚遊處撥萍開

拄杖

瀛奎律髓

葛守忠

守忠太平興國中使臣

荅陳搏

華嶽三峯客幽居不記年烟霞為活計雲水作家緣種
藥茅庭畔栽松澗壑邊暫離仙洞去可應帝王宣

華嶽全集

伍彬

彬彬陽人初事馬氏王師下湖湘授官為安邑
簿秩滿歸隱

題全義分水嶺

前賢功及物禹後杳難儔不及古今色平分南北流寒

衝山影岸清繞荻花洲盡是朝宗去潺湲早晚休

句

稚子出看莎徑沒漁翁來報竹橋流

夏日喜雨
言系述

以上雅

凌景陽


景陽淳化中鎮國軍節度使

海棠

名園封植幾經春露溼煙梢畫不真多謝許昌傳雅什

蜀都曾未識詩人

海棠譜



宋詩紀事卷五

欽定四庫全書

宋詩紀事卷六

錢塘厲鶚撰

楊億

億字大年建州浦城人七歲善屬文雍熙初年
十一名試詩賦授祕書省正字淳化中命試翰
林賜進士第真宗朝歷官知制誥天禧中拜工
部侍郎翰林學士兼史館修撰卒贈禮部尚書
謚曰文有括蒼武夷潁陰韓城退居汝陽蓬山

辭榮冠黿等集及内外制刀筆

詩林廣記三朝正史云楊億祖文逸為偽唐王山令億將生文逸夢一道士自稱懷玉山人未幾億生有紫毛被體七尺餘經月乃落

儒林公議楊億在兩禁變文章之體劉筠錢惟演輩皆從而數之時號楊劉三公以新詩更相屬和極一時之麗億復編叙之題曰西崑酬唱集當時訛薄者謂之西崑體其他賦頌章奏雖頗傷于雕摘然五代以來蕪鄙之氣由茲盡矣陳從易頗好古深損億之文章億亦陋之天禧中從易試別頭進策問時文之弊曰或下里如會粹或叢脞如急就億黨見者深嫉之丹陽集咸平景德中錢惟演劉筠首變詩格而楊文公與之鼎立號江東三虎謂之西崑體大率效李義山之為豐富藻麗不作枯瘠語

古今詩話楊大年錢文僖晏元獻劉子儀為詩
皆宗李義山號西崑體後進效之多竊取義山
語嘗御賜百官宴優人有裝為義山者衣服敗
裂告人曰為諸館職捧捧至此聞者大噱然大
年詠漢武詩云力通青海求龍種死諱文成食
馬肝待詔先生齒編貝忍令乞米向長安義山
不能過也

漢武

蓬萊銀闕浪漫漫弱水回風欲到難
光照竹宮勞夜拜
露漙金掌費朝餐
力通青海求龍種
死諱文成食馬肝
待詔先生齒編貝
那教索米向長安

無題

合歡蠲忿亦休論，夢蝶翩翩逐怨魂。
祇待傾城終未笑，不曾亡國自無言。
風翻林葉迷歸燕，露裊荷池觸戲鴛。
湘水東流何日竭，烟篁千古見啼痕。

淚

錦字梭停掩夜機，白頭吟苦怨新知。
誰聞隴水回腸後，更聽巴猿拭袂時。
漢殿微涼金屋閉，魏宮清曉玉壺敔。
多情不待悲秋意，祇是傷春鬢已絲。

洞戶

洞戶飛甍接綺寮一春幽恨寄蘭苔書題枉是藏三歲
壺矢誰同賽百嬌水國風霜凋社橘仙山雲霧隔江潮
東城劍騎何曾出祇為離愁髀肉銷

霜月

月夕露為霜心知厭燭房吟殘猶擁鼻望極自回腸鬢
減前秋綠衣消外國香星津誰待報織素未成章

劉校理屬疾

北窗風勁雪雲繁移疾端居避世喧載酒誰過揚子宅
張羅休署翟公門多才最許飄飄氣少別還銷黯黯魂
促爾徘徊憶真賞遠天新月照黃昏

懷舊居

武夷山穴近吾廬鬬鴨闌摧茵閣虛千匹歲儲妨種橘
百金春事廢觀魚北山烟霧迷歸轍南陌風塵化客裾
堂上金絲應已歇豈惟蘭菊舊叢疎

因人話建溪舊居

聽話吾廬憶翠微石層懸瀑濺巖扉風和林籟披襟久
月射溪光擊汰歸露晡荒涼迷草帶雨牆陰濕長苔衣
終年已結南枝戀更羨高鴻避弋飛

以上西崑酬唱集

宣召赴龍圖閣觀太宗御書應制

五年十月

非烟蔥蔚蒼龍闕紫府深沉大帝居羣玉中天開策府
神龜溫洛薦圖書珠宮岑寂經行處金簡熒煌拭目初
曾是先朝受恩者因探禹穴涕漣如

偶書

朱輪遠守未成歡薄宦令人意漸闌郡閣政清慵按吏
鄉園路近欲休官梅花遶檻驚春早布水當簷覺夏寒
已是三年不聞問何如歸去把魚竿

留題黃山院

禾黍離離一逕通遊人攬轡即過從趁齋幽鳥聞疎磬
出定高僧見偃松夜靜龕燈凝古殿雨餘巖溜迸前峯
昔年曾此題名處素壁敲斜翠蘚重

坐中朱博士言今荆南張諫議典襄陽日常留意

一妓公頗畏內終不得近及移郡荆渚泣別郵亭
乃為歌詞流布已郢予感其事賡而成詩

駸駸五馬江陵去寂寂雙蛾漢水頭一曲歌終眉黛斂
十分酒盡淚珠流陽春郢客傳新唱暮雨高唐夢昔遊
瓊樹無人敢親近章臺京兆不勝愁

武夷山

靈嶽標真牒孤峯入紫氛藤蘿暗仙穴猿鳥駭人羣古
道千年在懸流萬壑分漢壇秋蘚馭誰似武夷君

以上武夷新集

詠傀儡

鮑老當筵笑郭郎笑他舞袖
太郎當若教鮑老當筵舞
轉更郎當舞袖長

後山詩話

貽館閣

聞帶宮花滿鬢紅上林弦管侍重瞳
蓬萊咫尺無由到
始信仙凡迥不同

渢水燕談錄文公初為光祿丞太宗頗愛其才
一日後苑賞花釣魚宴詞臣不得預以詩貽諸
館閣云云諸公以詩進呈上詰有司所以不召
以來貼職例不得預即命直史院免謝令預晚

宴時以為榮

夜懷

獨倚青桐聽鼓聲參旗歷落上三更涼風卷雨忽中斷
明月背雲還倒行賴有清吟消意馬豈無美酒破愁城
是非人世何須較方外吾師阮步兵

詩林萬選

贈張季常

疊巘參差翠繞門雕梁賀燕自成羣割雞日夕期嘉客
種竹寒暄對此君且向東臯輸黍稷便應北闕降玄纁

子真漫說耕巖石不奈聲名四遠聞

萬姓統譜季常名奐憲三與計偕不利絕意功名放懷林壑與文公世親文公自括蒼解印趨朝兩造其居贈之詩

昇山寺

層巒連近郭占勝有招提宿霧昏金像飛泉濺石梯鐘聲空郭塔塔影亂雲齊千騎時來此尋幽獨杖藜

建寧府志

句

關榆漸落邊鴻度勸到劉郎酒十分

送劉綜學士出鎮并門詩話總龜

錢惟演

惟演字希聖吳越忠懿王俶之子少補牙門將
歸宋累遷翰林學士樞密使罷為鎮國軍節度
觀察留後改保大軍節度使知河陽入朝加同
中書門下平章事坐事落職為崇信軍節度歸
鎮卒諡曰思改諡文僖有擁旄集伊川集

茗溪漁隱叢話歐公花品序云予居府中時嘗
謁思公見一小屏立後細書序滿其上思公指
之曰欲作花品此是牡丹名凡九十餘種然予
所見而今人多稱者纔三十許不知思公何從

而得之多也東坡云惟演為西都留守如置驛
貢洛花識者鄙之此官妾愛君之意也故于荔
枝嘆亦云洛陽相君忠孝家可憐亦進姚黃花
蓋為思公惜之也

宣曲二十二韻

絳縷初分後銀鑲未解時已障紈扇笑惟捧玉壺悲乞
巧長生殿迎風太液池雕屏涵火齊寶帳隔琉璃欲買
詞人賦空傳狎客詩蔗漿消內熱瓊藥療朝飢綺帶桃
初熟紅心草欲披凌波渡羅襪向日翳華芝素臉分丹
柰香津滴紫梨龍梭隨振素纈髓補凝脂蓬餌重陽節

金針七夕期玉膏嘗瀝瀝翠蓋逐歲蕤弦急哀隨指歌
長恨入眉青鸞惟有舞赤鳳可能疑下蔡迷還易平陽
破未知髻高釵自墜腰細佩長垂出恐嚴鐘晚歸嫌鈿
幃遲轆轤驚晚夢鸚鵡漏春思魂怨惟愁斷腸柔已自
危壁璫螢影度瓊戶蘚花滋掩鼻讒難訴披圖悔豈追
祗應金帶枕聊為達微辭

赤日

漏淺風微夜未勝雨雲無迹火雲凝簟鋪寒水頻移枕

帳卷輕烟更背燈
沃頂幾思金掌露
滌煩誰借玉壺冰
蘭臺知有披襟處
宋玉多才獨自登

明皇

山上湯泉架玉梁
雲中複道拂瑤光
絲囊暗結三危露
翠幃時遺百和香
枉是金雞親便坐
更拋珠被掩方牀
怱怱一曲涼州罷
萬里橋邊見夕陽

無題

誤語成疑意已傷
春山低斂翠眉長
鄂君繡被朝猶掩

荀令熏爐冷自香有恨豈因燕鳳去無言寧為息侯亡
合歡不驗丁香結祇得淒涼對燭房

耿耿寒燈照醉羅看朱成碧意如何虎頭辟惡無妨枕
犀角涼心更待磨惟有幽蘭啼月露可將尺素許雲波
山屏六曲歸來夜祇恐重投折齒梭

淚

家在河陽路入秦樓頭相望祇酸辛江南滿目新亭宴
塞外傷心故國春仙掌倚天頻滴露方諸待月自涵津

荆王未辨連城價腸斷區區抱壁人

始皇

天極周環百二都六王鍾鐻接流蘇金椎漫築甘泉道
匕首還隨督亢圖已覺副車驚博浪更攜連弩望蓬壺
不將寸土封諸子劉項由來是匹夫

方虛谷云督亢之亢作平聲作仄聲用亦可

初秋屬疾

蜜脾初滿若榴紅秋意如侵玉井桐薤簟自憑南郭几
穀巾猶卧北窗風雲迷候雁辭遙塞露溼飛螢起暗叢

病已不須傳七發粉箋香墨寄詩筒

寄靈仙觀舒職方學士

方瞳玄鬢粉闌郎絳闕齋心奉紫皇徵士高懷雲在巔
騷人秋思水周堂閒園露草開三徑靈宇華燈燭九
光知有美田堪種玉幾時春渚逐歸艎

與客啟明

越溪微霰灑寒梅家近嚴陵古釣臺夢欲成魚通夕去
書曾憑犬隔秋回干時不為侏儒米樂聖猶銜叔夜杯

帝右豈無楊得意漢宮須薦長卿才

此夕

曲瓊斜挂影沈沈火齊屏風六曲深春瘦已寬連理帶
夜長誰有辟寒金珠拋月浦空涵淚琴怨蘭臺漫寄心
碧玉可能攀貴德阮郎追騎更駸駸

致齋太乙宮

齋潔奉惟馨瑤臺獨自升樓迷五里霧壇燭九枝燈珠
館來青雀璇題射玉繩疎鐘平野闊古栢夕霏凝鶴扇

真窺月仙衣可縷冰春茶泛雲液曉飯薦蘭蒸鍊藥疑
洪井藏書類羽陵回瞻太帝室飛檻更長憑

戊申年七夕

玉露金河顙氣涼辛夷車轉桂旗香嫦娥可是多情忌
不駐瓊輪放夜長

以上西崑酬唱集

對竹思鶴

留守西洛日作

瘦玉蕭蕭伊水頭風宜清夜露宜秋更教仙驥傍邊立
盡是人間第一流

能改齋漫錄

句

高為天一柱秀作海三峯

幼時父假使賦遠山東都事畧

置酒軍中

樂聞笳塞上情

送劉綜學士出鎮并門詩話總龜

日上故陵烟漠漠春歸

空苑水潺潺

西洛懷古文公談苑

楊

雪意未成雲著地秋聲不斷雁

連天

奉使塗中

客亭厭見名長短村酒那能辨聖賢又宿舍

孤烟起行衣夢雨涼

送僧遊楚

平檻曉波吳榜渡遶城春樹

越禽飛

章衢州

神宮古栢啼鳥起齋室虛簾宿霧通

太乙宮

以上詩話總龜

劉筠

筠字子儀大名人咸平元年進士累遷御史中丞知制誥翰林承旨兼龍圖閣直學士卒有冊府應言榮遇禁林肥川中司汝陰三入玉堂七集

候鯖錄劉子儀三入翰林頗不憚詩云蟠桃三竊成何味上盡鼇峯迹轉孤移疾不出朝士問候者繼至詢之云虛熱上攻石中立滑稽在坐云只消一服清涼散意謂兩府始得用清涼傘也

南朝

華林酒滿勸長星青漆樓高未稱情麝壁燈迴偏照畫

雀航波漲欲浮城鐘聲但恐嚴妝晚衣帶那知敵國輕
千古風流佳麗地盡供哀思與蘭成

休沐端居有懷希聖少卿學士

轆轤風簷乳燕翔浴蘭衣綵簾流黃雲容倏變千峯險
草色相沿百帶長旋製紫荷供橐筆暗移神蔡忍搯牀
思君祇欲傾家釀待漏同誰賦柏梁

代意

華池阿閣不相容濁水清塵恨莫窮明月自新班女扇

行雲無奈楚王風
乳鶯啼曉銷蘭炷
媚蜨傷春失蕙叢
縱使多才如子建
祇能援筆賦驚鴻

漢武

漢武天臺接絳河
半涵非霧鬱嵯峨
桑田欲看他年變
瓠子先成此日歌
夏鼎幾遷空象物
秦橋未就已沈波
相如作賦徒能諷
卻助飄飄逸氣多

館中新蟬

庭中嘉樹發華滋
可要螳螂共此時
翼薄乍舒宮女鬢

蛻輕全解羽人尸風來玉女烏先轉露下金莖鶴未知
日永聲長兼夜思肯容潘岳到秋悲

鶴

碧樹陰濃釵砌平華亭歸夢曉頻驚仙經若未標奇相
琴操何因寄恨聲養氣自憐雞善勝全身卻許雁能鳴
芝田玉水春雲伴可得乘軒是所榮

無題

走馬章臺冒雨歸後門猶嘆滯前期荷心出水終無定

蘿蔓從風莫自持，複帳麝輕難辟惡。
曲房蠶嬾不成絲，漸漸隴麥藏鳴雉。
更恨如皋一箭遲。

又贈荷花一絕

粉白朱紅翡翠翹，漢宮等級不相饒。
風波若未乖前約，一死何辭更抱橋。

淚

雍門琴罷已浪浪，更上牛山半夕陽。
楚澤雲迷千里目，蘇門歌斷九迴腸。
寒梅帶雨飄離席，尺素停燈作報章。

湘水未乾終未盡豈徒萬點寄疎簷

前檻十二韻

垂柳陰森院遊絲曠蕩春
蘅臯誰駐馬羅襪自生塵
四姓良家子三年賦客鄰
折腰行太緩連瑣語何頻
倭墮雲爭媚便娟月闌新
滅瘢難辨玉約指不勝銀
電笑投壺勝江澄擣練勻
東南勞鶴望西北限牛津
寶唾凝蘭氣鳴簧咽絳脣
籠禽思隴樹洞犬謝秦人
詠絮才無對聞琴意始真
長安足輕薄慎勿走瓊輪

宣曲

八月收民算三千異典章天機從此淺國豔或非良玉
戶銅為杳羅幃象作牀驪姬初悔泣飛燕近專房蓮小
纔承步梅新競試妝盡知春可樂終歎夜何長取酒臨
邛遠吞聲息國亡難銷守宮血易斷舞鸞腸百草無花
關雙鉤映燭藏金人須手鑄虎圈更身當步輦回長樂
飛除接未央琳珉飾歡館藻繡衰周牆厭火雙魚尾鳴
弦小雁行雲覺澄顥氣綺井激回光路有斯須隔憂難

頃刻忘新聲來樂府別寢近溫湯虹跨層臺晚螢飛下
苑涼錦帷迎七夕蓬餌薦重陽九畹蘭承露三江橘帶
霜方資裂繒笑可要蕩舟狂並釣池魚小重衾穴鳳翔
珊瑚分碧樹火齊列清防背枕生幽怨登樓多遠傷下
陳無自媿人薨劇豺狼

陸游渭南文集跋云祥符中嘗下詔禁文體浮
豔識者謂是時館中作宣曲詩宣曲見東方朔
傳其詩盛傳都下而劉楊方幸或謂頗指宮掖
又二妃皆蜀人詩中有取酒臨邛遠之句賴天
子愛才士皆置而不問獨下詔諷切而已不然
亦殆哉

宋玉

楚國驕荒日已深山川朝暮劇登臨曾傷積毀亡師道
祇託微詞蕩主心江草東西多恨色峽雲高下結層陰
潘郎千載聞遺韻又說經秋思不任

送客不及

青門祖帳曙烟微片席乘流鳥共飛曲岸馬嘶風嫋嫋
短亭人散柳依依灞橋目斷猶回望楚水魂銷為送歸
祇自河梁傳怨曲洛塵千古化征衣

無題

曾許千金荅浣紗
越溪浪淺不通槎
曉樓簾捲還凝霧
外院牆低卻映花
滿目離愁頻駐馬
一春幽夢祇驚鴉
柔桑蔽日南城路
懊惱羅敷自有家

懷舊居

毛竹千叢蔽野亭
曉猿驚後亂峯青
漢庭已奏三千牘
周室仍繙十二經
紫殿深沈頻視草
緇幃寂莫自飛螢
振衣本爲蒼生起
肯向荀家祗聚星

戊申年七夕

伯勞東翥燕西飛，又報黃姑織女期。
天帝聘錢還得否？

晉人求富是虛詞。

自注：道書牽牛娶織女，取天帝錢二萬，備禮久不還，被驅在營室。

華寢星陳夜未央，橫河奕奕度神光。
一年暫得停機杼，

不柰秋蟲促織忙。

以上西崑酬唱集

舟行淮上遇水暴漲作

行行極目天無柱，渺渺橫流浪有花。
客子方思舟下碇，陰蚪自喜海為家。
村遙樹列清江霽，岸闊平分觸氏蝸。

爲嘯風高誠可畏此情難喻坎中蛙

儒林公議丁謂當國恣行威福筠在翰林守正不阿附謂深嫉之筠乃求出爲郎授諫議大夫守廬江筠拜章求無集賢院學士謂沮之不與

召入翰林別同僚

一辭鑒署守英藩兩見廬峯媚翠尊政懦每憐民若
子歲豐還喜稻成孫離愁且飲閒人酒密對須求長者
言入奉清朝同一德晨趨豈歎鬢霜繁

儒林公議

題林逸士肥上新屋壁

久厭侯鯖盡室來卜居鄰近釣魚臺舊山鶴怨無錢買
新竹僧同借宅栽載酒誰從揚子學棹舟空訪戴逵回
抽毫有污東陽壁但惜明時老澗才

瀛奎律髓

句

雨勢宮城闊秋聲禁苑多

詩人玉屑

極目關河高倚漢順風鵬鶚遠凌秋

詩話總龜劉綜學士出鎮并門兩制館閣皆以
詩餞其行因進呈章聖深究詩雅時方競尚崑
體礫裂彫篆親以御筆選其平淡者得八聯後
綜寓為御選句圖立石于晉祠

李宗諤

宗諤字昌武昉子第進士真宗朝為學士歷右
諫議大夫有集

南朝

仙華玉壽曉沈沈三閣齊雲複道深平昔金鋪空廢苑
於今瓊樹有遺音珠簾映寢方成夢麝壁飄香未稱心
惆悵雷塘能幾日吟魂醉魄已相尋

代意

霧靄曉影忽參差雲雨陽臺後夢思自是膠弦無續日
不同珪月有圓時洞房斗帳承新愛河漢星橋隔後期
綺榭凝塵斷消息抒情空擬四愁詩

館中新蟬

雨過新聲出院牆烟輕餘韻度回塘短亭疎柳臨官道
平野西風更夕陽八斗陳思饒賦詠二毛潘岳易悲涼
感時偏動騷人思不問天涯與帝鄉

以上西崑酬唱集

絕句

戴了宮花賦了詩不容重見赭黃衣無慘獨出金門去
恰似當年下第歸

國老談苑李宗諤以京秩帶館職不預賞花釣
魚故事因賦詩云云太宗覽之大喜特詔御宴
即日改官

送何水部蒙出牧袁州

三省郎曹素髮垂兩朝頻賜五時衣一麾又守江城去
千騎方從澤國歸醺酒河梁秋草闊卸舟湖岸暝烟微
宜陽郡客多才子誰伴山公醉夕暉

袁州府志

送士龍兄

銅魚四明守竹馬十年兄操袂河梁別鳴撓澤國行登樓知日近儗海見潮生郡政應多暇新詩幾首成

武古堂書考

句

一溪曉綠浮鷗鷺萬樹春紅叫杜鵑

春郊

金鑾後記人爭

寫玉署新碑帝自書

贈蘇承旨

楊文公談苑

陳越

越字損之開封尉氏人咸平中舉賢良方正歷

著作佐郎直史館官至左正言

休沐端居有懷希聖少卿學士

玉甃銀牀蔭碧桐北窗珍簟水紋融
衣裁練布如玉導扇執蒲葵學謝公
瓊屑半和仙掌露蘭苔輕泛楚臺風
若非冰雪神仙骨相樂誰同一笑中

西崑酬唱集

句

擁路東方騎懸腰左顧龜

送李秦州

皇朝類苑

李維

維字仲方肥鄉人平章沆之弟雍熙二年進士
真宗初召試中書擢知制誥翰林學士歷刑部
尚書相州觀察使出知陳州卒有集

休沐端居有懷希聖少卿學士

銀闕琳房視草餘龍門岑寂斷軒車彩毫閒試金壺墨
青案時看玉字書王儉風流希謝傅子雲詞賦敵相如
瓊枝不見蕭齋晚蕙草烟微度綺疏

西崑酬唱集

直夜

繚垣堯闕慶雲深
畫燭熏爐對擁衾
三殿夜籤傳漏箭
九秋霜籟入風琴
階前槁葉驚寒雨
天際孤鴻答迴砧
敲枕便成魚鳥夢
豈知名路有機心

寄田錫舍人

當年心計此心知
忽忽逢人亦自疑
枉是憂公生白髮
有何長畧謝清時
林僧已怪抽身晚
朝侶猶嫌到闕遲
多喜通規識幽抱
路遙無處寄相思

歸越東舊隱別秦中知己

客亭楊柳葉初殘
歌咽秋空慘別顏
吟愛好峯歸越路
醉衝寒雨出秦關
烟蘿庭戶重棲倚
漁浦人家舊往還
縱使功名無分得
免教心在怨尤間

再會傅逸人

分到知心意不輕
幾年曾是愴離情
微風吹雨雁初下
落葉滿階蟲正鳴
燈靜苦嫌論劍畧
簟涼頻喜轉琴聲
從來共約雲泉老
肯向人間占好名

郊居寄朝中知己

年來流水壞平田客徑窮愁自可憐汀葦亂搖寒夜雨
沙鷗閒弄夕陽天狂嫌濁酒難成醉冷笑清詩不直錢
碧落故人知我否幾回相憶上漁船

霜月

銀牀葉暗飄霜月夜迢迢寒極屏難辟憂多酒漫消
爐殘更換湘瑟罷仍調誰道河流淺盈盈萬里遙

以上四
朝詩

句

故宮芳草在往事暮江流

渚宮
亭

謫去賈生身健否秋

來潘岳鬢如絲

寄洪湛文公談苑

楊

秋聲和暮角膏雨逐

行軒

送劉綜學士出鎮并門詩

話總龜

清朝納祿猶强健白首

還家正太平

送工部侍郎朱昂致仕歸荆南談

澠水燕

丁謂

謂字謂之更字公言蘇州長洲人淳化三年進

士累遷知制誥天禧中拜同中書門下平章事

封晉公乾興中坐擅改永定陵貶崖州司戶參

軍更赦徙道州明道末召還卒於光州有集

高齋詩話 呂獻可嘗云 丁謂詩有 天門九重開
終當掉臂入 王元之讀之曰 人公門猶鞠躬如
也 天門豈可掉臂入乎 此人 不忠 後果如其言
洪駒父詩話 潘子真為予言 晉公詩 綠柳垂手
舞黃鳥 緩聲歌樂府 有大垂手小垂手 前緩聲
後緩聲 故丁謂用之 其屬對律切如此

代意

玦帶珊瑚佩 解瓊楚雲無 定好傷情臨 卽已誤通琴意
金谷難尋辨 玉聲微警單 棲盤露重密 含幽思 晚蘭平
明珠百琲將 何當悵望輕 軀病欲成

又贈荷花一絕

夢散高唐夜正遙
楚天何處不無慘
秋風似會荆王意

露渚烟汀養細腰

以上西崑酬唱集

山居

原注雷化以南山多凌零藿香芬芳襲人動或數里

洞口清香徹海濱
四時芬馥四時春
山多綠桂憐同氣
谷有幽蘭讓後塵
草解忘憂憂底事
花能含笑笑何人

自注海南有含笑花

爭如彼美欽天壤
長薦芳香奉百神

宋文鑑

歸田錄丁晉公在珠崖有詩僅百篇號知命集其警句有云草解忘憂憂底事花名含笑笑何

人

詠泉州刺桐

聞得鄉人說刺桐葉先花發始年豐我今到此憂民切
只愛青青不愛紅

有感

今到崖州事可嗟夢中常若在京華程途何啻一萬里
戶口都無三百家夜聽猿啼孤樹遠曉看潮上瘴煙斜
吏人不見中朝禮麋鹿時時到縣衙

過武陵甘泉寺留題

翠影人疎度波光
瑟瑟凝帝家金掌
露仙署玉壺冰曉
井侵星汲宵廚向
月澄豈惟蠲肺渴
灌頂助三乘

以上
方輿

勝覽

以詩送宣賜進奉紅綃封龍字茶與璉禪師

密緘龍焙火前春
翠字紅綃熨眼新
名品至高誰合得

雙林樹下上乘人

羅湖野錄

途中盛暑

南遷時作

山木無陰驛路長
海風吹熱透蕉裳
渴思西漢金莖露

困憶南朝石步廊江上綸竿輸散誕林閒冠褐負清涼
下程欲選披襟處滿眼頰桐兼佛桑

事文類聚前集

遊東山

數峯回抱隔烟林一簇招提十里深祇合步行尋石徑
不宜呵喝入松陰遙分畫手援毫意暗起詩人得句心
梅嶺笙歌上高處孤猿幽鳥減清音

煎茶

開緘試雨前須汲遠山泉自遶風爐立誰聽石碾眠輕

微緣入麝猛沸卻如蟬羅細烹還好鐺新味更全花隨
僧箸破雲逐客甌圓痛惜藏書篋堅留待雪天睡醒思
滿啜吟困憶重煎祗此消塵慮何須作酒仙

公舍春日

綠楊垂線草鋪茵觸處烟光舉眼新一品也須妨白髮
千金莫惜買青春鶯聲圓滑堪清耳花豔鮮明欲照身
獨向此時為俗吏風流知是不如人

以上瀛奎律髓

句

梅花過嶺路桃葉渡江船

送章南安

珊瑚新筆架雲母舊

屏風

和錢易

泣珠泉客通關市種玉仙人寄版圖

送章明州

楚子夢雲鈴閣密郢人歌雪射堂開

送陳荆南

千金家累

非良寶一品官高是強名

為侍中時作

九萬里鵬重出海一

千年鶴再歸巢

自崖名還寄友人
以上皇朝類苑

背裝花屈膝白打

大廉斯進前行兩步踈去立多時

蹴踘
話總龜

詩

鷹鵠騰雙

眼龍蛇繞四肢躡來行數步踈後立多時

蹴踘
公詩話

溫

鶯

驚鳳輦穿花去魚畏龍顏上釣遲

賞花釣魚應制
田錄

歸

刁 衡

衡字元賓昇州人仕南唐為集賢校理歸宋授太常寺太祝真宗朝累遷直祕閣兵部郎中有集

代意

蕙時芳夕九回腸
斂袂東窗待曉光
秦嶺樹高迷隴塞
楚天雲淡隔瀟湘
病餘公幹情多詠
秋晚安仁鬢足霜
休道鮫人落珠淚
微波還擬託陳王

西崑酬唱集

任 隨

隨仕太常丞直集賢院

漢武

殊庭深恨隔仙曹
桂館蜚廉事轉勞
銀闕尚沈滄海闊
井幹空拂絳河高
蒺藜多稼朔塞旌
旗照不毛
苦信憑虛王母說
東方三度竊蟠桃

西崑酬唱集

劉 隲

隲官工部員外郎直集賢院

館中新蟬

搖落何須宋玉悲，齊亭遺恨苦霑衣。
池中菡萏香全減，井上梧桐葉乍飛。
風促箏聲隨斷續，日移輒影自光輝。
宜秋門外饒芳樹，結駟那堪送客歸。

西崑酬唱集

張詠

詠字復之，濮州鄆城人。太平興國五年進士，歷
樞密直學士，出知益州。真宗初入，為御史中丞，
出知杭州，再知益州。進禮部尚書，卒諡忠定。自
號乖崖，有乖崖集。

蔡寬夫詩史乖崖少喜任俠學擊劍尤樂聞神
仙事性極清介居無妾媵不事服玩朝衣之外
燕處惟紗帽皁絛一黃土布裘而已至今人傳
其畫像皆作此飾

西清詩話張乖崖少與逸人傅霖同學公既顯
達求霖三十年不可得作憶霖詩云寄語巢由
莫相笑此生終不羨輕肥晚年守宛丘有被褐
騎驢叩門大呼曰語尚書青州傅霖聞吏走白
公曰傅先生天下士汝何人敢呼姓名霖笑曰
別子一世尚爾童心是豈知世間有我哉公問
何昔隱今出霖曰子將去矣來報子耳公曰詠
亦自知之霖曰知復何言後一月公薨

館中新蟬

脫塵還與比仙遊
露腹何妨近品流
嫩殼半遺紅藥地

細聲偏傍綠楊樓詩家取象吟難盡畫格偷真意不休
正好儒林擬綏縈憑君無苦預悲愁

西崑酬唱集

寄陳圖南

性愚不肖林泉住強要清流擬致君今日星馳劍南去
回頭慙媿華山雲

青箱雜記公布衣時素善陳搏嘗因夜話謂搏
曰某欲分先生華山一半住得無搏曰餘人則
不可先輩則可及旦取別以宣毫十枝白雲臺
墨一劑蜀箋一角贈公謂搏曰會得先生意取
某入闌處去後尹蜀乘傳過華陰寄詩云云

荅傅逸人

蕭蕭疎葦對門牆見說新秋鱸味長何事輕拋來帝里

至今魂夢繞寒塘

以上乖崖集

贈官妓小英歌

天教搏百花作小英明如花住近桃花坊北面門庭掩
映如仙家美人宜稱言不得龍腦熏衣香入骨維揚輒
穀如雲英毫郡輕紗似蟬翼我疑天上婺女星之精偷
入筵中名小英又疑王母侍兒初失意謫向人間為飲

妓不然何得膚如紅玉初碾成眼似秋波雙臉橫舞態
因風欲飛去歌聲過雲長且清有時歌罷下香砌幾人
魂魄遙相驚人看小英心已足我見小英心未足為我
高歌送一杯我今贈汝新翻曲

青箱雜記

句

小桃遮不得深雪放教青

庭竹

每思舊隱歸何許或問前

程笑指空

維揚書懷

後 茗溪漁隱叢話乖崖詩句清詞古與郊島相先

舒雅

雅字子正歙人南唐時隨計金陵韓熙載知貢
舉擢為第一歸宋累遷職方員外郎咸平末出
守舒州秩滿乞致仕就掌靈仙觀大中祥符二
年直昭文館卒

馬令南唐書雅以所學謁韓熙載熙載一見如
時皆館給之雅性巧黠應答如流待之為忘年
之交出入臥內曾無間然熙載性嫌不拘禮法
常與雅易服燕戲採雜侍婢入末念酸以為笑
樂或云熙載所著格言半雅之辭
細素雅記韓熙載弊衣履作替者持獨弦琴俾

舒雅執板挽之隨房歌鼓求所以足日膳旦暮亦不禁其出入

荅內翰學士

清貴無過近侍臣多情猶憶舊交親
金蓮燭下裁詩句麟角峯前寄隱淪
和氣忽飄燕谷暖好風徐起謝庭春
絨藏便是山家寶留與兒孫世不貧

西崑酬唱集

荅錢少卿

蓬萊閣下舊鄰居偶別俄驚四載餘
每見寒葭思倚玉忽臨秋水得雙魚
人間貴賤誰能及物外優閒我自如

聞說歸艎向春渚深知不與道情疎

荅劉學士

往歲別京畿棲山與衆違君心似松栢雁足寄珠璣學
道情難篤燒丹力尚微雲中雞犬在祇候主人歸

以上四朝

詩

錢惟濟

惟濟字巖夫惟演弟歸宋歷恩州刺史加司空
保靜軍觀察留後卒諡宣惠有玉季集

夜讌

清讌夜何其南亭露欲稀
蹁躑霞袖舞潏灩羽觴飛
鏤榘搖花落金璫照月輝
瑤光未西落休賦醉言歸

西崑酬唱集

句

鳳簫通碧落星石辨靈源

故主第

庭下焚香連宿霧林

間鳴佩起棲鸞

太乙宮醮

以上皇朝類苑

晁迥

迥字明遠澶州清豐人徙家彭門太平興國五

年進士擢右正言直史館知制誥為翰林學士
承旨天禧中判西京留司御史臺以太子少保
致仕加少傅卒贈太子太保諡文元有翰林集
道院集

屬疾

和錢希聖

精鶩成勤瘁頤貞侯有瘳吟生南越思慈結北堂憂粲
枕甘為蜨豐廚厭炙牛玄元知寡欲平子尚多愁夕鳥
侵階啄宵螢入樹流玉書能靜覽柱史倦閒投忽賦行

雲什堪聽擊壤謳期君整朝佩仙署在瀛洲

西崑酬唱集

遊文潞公曲水園

夭桃穠李豔芳辰丞相園林潞水濱虎節麟符拋不得
卻將佳景付遊人

風月堂詩話晁公孫為予言文潞公出鎮長安吾祖文元公知許昌遊公曲水園留詩云云公得詩甚喜乃作書并封園券與文元曰可便作園中主人也似字仲思文元五世孫

遊虎丘

并序

余罷掌賦東陽歸次蘇臺時故人王士龍飲餞予閭

門且曰虎丘山寺吳中勝概不避數里可能遊乎余
沛然愜心請與偕往由枝派乘水興長嘯清風目窮
幽趣棹工叢力葉舟如飛拂白英以半開紫紅樹以
飭出邁詣幽境夔無纖塵相與披烟羅凌磴道杳疑
天外作為佛宮俯臨劔池呀若斷岸磊砢峭崿不能
形容肆凝覽以更周惜頽景之西匿一觴一詠枕興
而還遂裁八章以表嘉會時淳化四載自序

餞別閭門復少留故人邀我浣離愁旋沽美醞乘漁艇

急棹斜陽到虎丘千古劒池呀怪石一方金地抱清流
歸時眷戀情無限不得從容秉燭遊

吳郡志

送何水部蒙出牧袁州

條教屬惟良乘秋始辦裝朱轡重按部白首尚為郎
督課民期富從儒道益光更資談博物千載楚萍鄉

袁州府志

句

夙駕都門曉涼風苑樹秋

送劉綜學士出鎮并門

玉

崔遵度

遵度字堅白江陵人徙淄州太平興國八年進士咸平中為左司諫直史館仁宗為壽春郡王與張士遜命為王友東宮建遷左諭德卒官遵度善琴得其深趣嘗自著琴箋有文集

屬疾

和錢希聖

李白羹初美相如渴漸瘳八軛非性嬾三昧減心憂筆宛多披鳳

自注公新集號筆宛

詞鋒勝解牛舊山疑鶴怨畏

日想雲愁廣內勞揮翰通中羨枕流使星方屢降客轄

未容投好奏倪寬議何須莊舄謳朝衣熏歇不侍史待

仙洲

西崑酬唱集

劉秉

秉官左諫議大夫樞密直學士

日琯按晁以道清風軒記作張秉

戊申年七夕

紅渠爛漫碧池香羅綺三千侍漢皇阿母暫來成底事
茂陵宮樹已蒼蒼

香堦寶砌靜無塵遙指星河再拜人若把離情今夕說

世間生死最傷神

珠箔風輕月似鉤還將錦繡結高樓堪傷乞巧年年事

未識君王已白頭

西崑酬唱集

薛映

映字景陽蜀人進士及第歷右諫議大夫知杭州仁宗朝官禮部尚書集賢院學士分司南京卒贈右僕射謚文恭

戊申年七夕

銀河耿耿露漙漙綵縷金針玉佩環天媛貪忙為靈匹

幾時留巧與人間

西崑酬唱集

曲水亭

在下天竺水臺盤一日流杯亭

臺盤疏石渠激流環四面夏屋有餘清羽觴隨意轉賓

告醉言歸主稱情未倦雖非楔飲辰豈謝蘭亭讌


杭州府志

句

黃鸝晨霞傍樓起頭陀秋草繞碑荒

送人之鄂州朝類苑

皇



宋詩紀事卷六